



ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРИНИНГ БУЙРУҒИ

Умумий ўрта таълим мактаблари учун 2019-2020 ўқув йилига мўлжалланган таянч ўқув режа ва такомиллаштирилган ўқув дастурларини тасдиқлаш ҳамда амалиётга жорий этиш тўғрисида

Ўзбекистон Республикаси Президентининг “Умумий ўрта, ўрта махсус ва касб-хунар таълими тизимини тубдан такомиллаштириш чора-тадбирлари тўғрисида” 2018 йил 25 январдаги ПФ-5313-сон ва “Халқ таълимини бошқариш тизимини такомиллаштириш бўйича қўшимча чора-тадбирлар тўғрисида”ги 2018 йил 5 сентябрдаги ПФ-5538-сон фармонлари, “Ёшларни маънавий-ахлоқий ва жисмоний баркамол этиб тарбиялаш, уларга таълим-тарбия бериш тизимини сифат жиҳатидан янги босқичга кўтариш чора-тадбирлари тўғрисида” 2018 йил 14 августдаги ПҚ-3907-сон ва “Халқ таълими тизимига бошқарувнинг янги тамойилларини жорий этиш чора-тадбирлари тўғрисида” 2018 йил 5 сентябрдаги ПҚ-3931-сон қарорлари ҳамда Вазирлар Маҳкамасининг “Умумий ўрта ва ўрта махсус, касб-хунар таълимининг давлат таълим стандартларини тасдиқлаш тўғрисида” 2017 йил 6 апрелдаги 187-сон қарори ижросини таъминлаш, ўқув-тарбия жараёнига ўқитишнинг замонавий илғор шаклларини, янги педагогик ва ахборот технологияларини, ўқувчиларнинг ўқув, психологик ва жисмоний юқламасини оптималлаштиришни ҳисобга олган ҳолда 2019-2020 ўқув йили учун ишлаб чиқилган умумтаълим фанлари бўйича ўқув дастурларини амалиётга жорий этишни ташкил этиш мақсадида **буюраман:**

1. Умумий ўрта таълим мактаблари учун 2019-2020 ўқув йилига мўлжалланган таянч ўқув режа (бундан буён матнда таянч ўқув режа деб юритилади) 1-иловага ва таянч ўқув режага тушунтириш хати 2-иловага мувофиқ тасдиқлансин.

2. 2019-2020 ўқув йилида дарсликлари янгидан ёки қайта нашр этиладиган I, III, VIII, IX-синфлар тегишли (VII-синф Чет тиллари, айрим фанларга ихтисослаштирилган давлат умумтаълим мактаблари учун VI-синф Физика, VII-VIII-синф Алгебра) фанларининг давлат таълим стандартлари талаблари асосида ишлаб чиқилган ўқув дастурлари Республика таълим маркази қошидаги Илмий-методик кенгашларда маъқулланиб, босқичма-босқич амалиётга жорий этиш учун тавсия этилганлиги инобатга олиниб,

3-иловага мувофиқ тасдиқлансин ва 2019-2020 ўқув йилидан бошлаб амалиётга жорий этилсин.

3. 2019-2020 ўқув йилидан эътиборан умумий ўрта таълим мактабларининг I-XI синфлари учун **4-иловада** рўйхати келтирилган ўқув дастурлари (бундан буён матнда ўқув дастурлари деб юритилади)дан фойдаланиш белгилаб қўйилсин.

4. Умумий ўрта таълим муассасалари фаолиятини мувофиқлаштириш бошқармаси (Э.Муродов), Қорақалпоғистон Республикаси халқ таълими вазири, Тошкент шаҳар халқ таълими бош бошқармаси ва вилоятлар халқ таълими бошқармалари Республика таълим маркази (А.В.Умаров) билан биргаликда 2019-2020 ўқув йилида умумий ўрта таълим муассасаларида таълим-тарбия жараёнининг **1-илова** билан тасдиқланган таянч ўқув режа, **2-илова** билан тасдиқланган тушунтириш хати ва **4-иловада** кўрсатилган ўқув дастурлари асосида ташкил этилишини назорат қилсин.

5. Ўқув жараёнини методик жиҳатдан таъминлашни ривожлантириш бошқармаси (А.Абиджанов), Таълим сифати мониторинги бошқармаси (Т.Турсунов), Республика таълим маркази (А.В.Умаров), А.Авлоний номидаги халқ таълими тизими раҳбар ва мутахассис ходимларини қайта тайёрлаш ва малакасини ошириш институти (Н.Раҳманқулова), Халқ таълими соҳасида ахборот-коммуникация технологияларини ривожлантириш маркази (Ш.Қаюмов)га:

халқ таълими тизими педагоглари учун таянч ўқув режа, умумий ўрта таълимнинг давлат таълим стандартлари ва ўқув дастурларини амалиётга жорий этиш юзасидан ўқув семинарлар, вебинарлар ўтказиш;

халқ таълими ходимларини қайта тайёрлаш ва уларнинг малакасини ошириш курсларининг ўқув режа ва дастурлари модулига умумтаълим фанлари бўйича давлат таълим стандартлари ва ўқув дастурларининг мазмун-моҳиятини сингдириш;

халқ таълими ҳудудий бошқарув идоралари билан ҳамкорликда таянч ўқув режа, давлат таълим стандартлари ва ўқув дастурларининг ижроси билан боғлиқ ҳужжатларнинг мазмун-моҳиятини август кенгашларида ва бевосита педагогик жамоаларда кенг тушунтириш ишларини ташкил қилиш;

дарслик муаллифлари, нашриёт ходимлари ва фан методистлари билан ҳамкорликда 2019-2020 ўқув йили учун умумтаълим мактабларининг I, III, VIII, IX-синфлар (**VII-синф Чет тиллари, айрим фанларга ихтисослаштирилган давлат умумтаълим мактаблари учун VI-синф Физика, VII-VIII-синф Алгебра**) учун дарсликлар ҳамда ўқув қўлланмаларини компетенциявий ёндашувга асосланган давлат таълим стандартлари ва ўқув дастурлари асосида нашрга тайёрлаш ва чоп этилишини таъминлаш вазифалари топширилсин.

6. Республика таълим маркази (А.В.Умаров)га:

2019 йил 1 июлга қадар ўқувчиларда компетенцияларни шакллантиришга йўналтирилган давлат таълим стандартлари талаблари ва таянч ўқув режага мувофиқ айрим фанларни чуқурлаштириб ўқитиш бўйича

вариатив ўқув режалар, ўқув дастурларини ишлаб чиқиб, ўрнатилган тартибда тасдиқлаш учун Халқ таълими вазирлигига киритиш;

таянч ўқув режа асосида 2019-2020 ўқув йилида ўқув дастурлар ва дарсликлардаги ўзгаришлар бўйича фанлар йўналишида методик тавсиялар ишлаб чиқиш ҳамда барча умумий ўрта таълим муассасаларига етказилишини таъминлаш;

2019 йил 1 августга қадар Ахборот коммуникация технологияларини жорий этиш бўлими (А.Рахмонкулов), Халқ таълими соҳасида ахборот-коммуникация технологияларини ривожлантириш маркази (Ш.Каюмов), Жамоатчилик ва оммавий ахборот воситалари билан алоқалар шўъбаси (А.А.Умаров) билан ҳамкорликда методик тавсияларни вазирликнинг ахборот таълим портали ва веб-сайтига жойлаштириш вазифалари юклатилсин.

7. Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармалари бошлиқларига:

2019-2020 ўқув йили давомида умумий ўрта таълим мактабларида таянч ўқув режа ва унинг тушунтириш хатида белгиланган вазифаларнинг бажарилишини таъминлаш;

2019 йил 25 августга қадар умумтаълим фанлари бўйича давлат таълим стандартлари ва ўқув дастурларининг мазмун-моҳиятини ҳар бир таълим муассасаларига етказиш, педагогик кенгаш йиғилишларида ҳамда кенг жамоатчилик ўртасида тарғибот-ташвиқот ишларини ташкил этиш;

Ўзбекистон Республикаси Вазирлар Маҳкамасининг 2017 йил 6 апрелдаги 187-сонли қарори билан тасдиқланган давлат таълим стандартларининг 4-боб, 11-бандига асосан айрим фанларни чуқурлаштириб ўқитилишига алоҳида эътибор қаратиш ва мавжуд имкониятлардан самарали фойдаланишни йўлга қўйиш;

таълим муассасаларида фаолият олиб бораётган педагог кадрларга умумий ўрта таълимнинг давлат таълим стандартлари ҳамда ўқув дастурларини амалиётга жорий этишда узлуксиз, мақсадли ва манзилли амалий-методик ёрдам кўрсатишни ташкил этиш вазифалари юклатилсин.

8. Белгилаб қўйилсинки, умумий ўрта таълим муассасаларида таянч ўқув режани бажариш, умумий ўрта таълимнинг давлат таълим стандартлари ҳамда ўқув дастурларини амалиётга жорий қилиш, унинг мониторингини олиб бориш, натижаларини таҳлил этиб бориш ишларига ҳудудий халқ таълими бошқарув идоралари ҳамда таълим муассасалари раҳбарлари шахсан масъулдирлар.

9. Жамоатчилик ва оммавий ахборот воситалари билан алоқалар шўъбаси (А.А.Умаров) таянч ўқув режа ва унинг тушунтириш хати, умумий ўрта таълимнинг ўқув дастурларини, уларнинг амалиётга жорий этилиши ва илғор иш тажрибаларини “Маърифат” ва “Учитель Узбекистана” газеталари, вазирликнинг расмий веб-сайтлари, маҳаллий ва республика оммавий ахборот воситалари орқали кенг ёритиб борилишини ташкил этсин.

10. Ушбу буйруқ қабул қилиниши муносабати билан Халқ таълими вазирининг 2018 йил 27 июлдаги “Умумий ўрта таълим мактаблари учун

2018-2019 ўқув йилига мўлжалланган таянч ўқув режани тасдиқлаш тўғрисида”ги 191-сонли буйруғи 2019 йил 6 августдан ўз кучини йўқотиши белгилаб қўйилсин.

11. Мазкур буйруқнинг бажарилишини назорат қилиш вазирнинг биринчи ўринбосари А.Ю.Умаров, вазир ўринбосарлари Д.Кенжаев ва С.Бабаходжаевлар зиммасига юклатилсин.

Вазир

Ш.Шерматов

Тошкент ш.,
2019 йил 6 августъ,
256- сон

Кирилди:

Ўқув жараёнини методик жиҳатдан
таъминлашни ривожлантириш
бошқармаси бошлиғи
А.Абиджанов

Республика таълим маркази
директори
А.В.Умаров

Келишилди:

Вазирнинг биринчи ўринбосари
А.Ю.Умаров

Вазир ўринбосари
Д.Кенжаев

Вазир ўринбосари
С.Бабаходжаев

Юридик бўлим бошлиғи
Х.Асроров

Умумий ўрта таълим муассасалари
фаолиятини мувофиқлаштириш
бошқармаси бошлиғи
Э.Муродов

Таълим сифати мониторинги
бошқармаси бошлиғи
Т.Турсунов

Молиявий таҳлил ва режалаштириш
бошқармаси бошлиғи
И.Сираджев

Таълим ва ишлаб чиқариш интеграцияси
бошқармаси бошлиғи
С.Қодиров

Ташкилий-назорат ва таҳлил
бошқармаси бошлиғи
А.Шодмонов

А.Авлоний номидаги халқ таълими
тизими раҳбар ва мутахассис
ходимларини қайта тайёрлаш ва
уларнинг малакасини ошириш
институти ректори
Н.Рахмонқулова

Умумий ўрта таълим мактаблари учун 2019-2020 ўқув йилига мўлжалланган
ТАЯНЧ ЎҚУВ РЕЖА

Т/р	Фан йўналишлари блок-модуллари ва ўқув предметлари номи	Синфлар ва ҳафталик ўқув соатлари											Ҳафта- лик умумий соат
		1	2	3	4	5	6	7	8	9	10	11	
I.	Филология фанлари	10	12	14	14	14	12	10	9	9	9	9	124
1.1.	Она тили ва адабиёт	8	8	10	10	8	6	4	3	3	3	3	68
1.2.	Ўзбек тили/рус тили		2	2	2	3	3	3	3	3	2	2	27
1.3.	Чет тили	2	2	2	2	3	3	3	3	3	3	3	29
II.	Ижтимоий фанлар	1	1	1	1	3	3	4	5	5	4,5	4,5	33
2.1.	Тарих					2	2	3	3	3	2	2	17
2.2.	Дунё динлари тарихи										1	1	2
2.3.	Давлат ва ҳуқуқ асослари								1	1	1	1	4
2.4.	Одобнома	1	1	1	1								4
	Ватан туйғуси					1	1						2
	Миллий истиқлол ғояси ва маънавият асослари							1	1	1	0,5	0,5	4
III.	Аниқ фанлар	5	5	5	5	6	6	6	6	7	6	6	63
3.1.	Математика	5	5	5	5	5	5	5	5	5	4	4	54
3.2.	Информатика ва ахборот технологиялари					1	1	1	1	2	2	2	9
IV.	Табиий ва иқтисодий фанлар	1	1	1	1	2	6	8	9	8	7	9	53
4.1.	Физика ва астрономия							2	2	2	2	3	13
4.2.	Кимё								2	2	2	2	10
4.3.	Биология					1	2	2	2	2	2	2	13
4.4.	Табиёт ва география	1	1	1	1	1	2	2	2	1	1	1	14
4.5.	Иқтисодий билим асослари								1	1			2
4.6.	Тадбиркорлик асослари											1	1
V.	Амалий фанлар	5	5	5	5	6	6	6	4	4	3	2,5	51,5
5.1.	Муסיқа маданияти	1	1	1	1	1	1	1					7
5.2.	Тасвирий санъат ва чизмачилик	1	1	1	1	1	1	1	1	1			9
5.3.	Технология	1	1	1	1	2	2	2	1	1			12
5.4.	Жисмоний тарбия	2	2	2	2	2	2	2	2	2	1,5	1	20,5
5.5.	Чакирувга қадар бошланғич тайёргарлик										1,5	1,5	3
VI.	Касбий таълим										6	6	12
VII.	Танлов фанлар	0,5							0,5	1	0,5		2,5
	Умумий соатлар	22,5	24	26	26	31	33	34	34,5	36	36	36	339

Ўзбекистон Республикаси
Халқ таълими вазирининг
2019 йил 6 августдаги
256 -сонли буйруғига
2-илова

**Умумий ўрта таълим мактаблари учун 2019-2020 ўқув йилига
мўлжалланган таянч ўқув режага
ТУШУНТИРИШ ХАТИ**

1. Мазкур таянч ўқув режа ва унинг тушунтириш хати қуйидаги ҳуқуқий – меъерий ҳужжатлар асосида ишлаб чиқилган:

Ўзбекистон Республикасининг “Таълим тўғрисида” қонуни ва “Кадрлар тайёрлаш миллий дастури”;

Ўзбекистон Республикаси Президентининг “Чет тилларни ўрганиш тизимини янада такомиллаштириш чора-тадбирлари тўғрисида” 2012 йил 10 декабрдаги ПҚ-1875-сон қарори;

Ўзбекистон Республикаси Президентининг “Ёшларни маънавий-ахлоқий ва жисмоний баркамол этиб тарбиялаш, уларга таълим-тарбия бериш тизимини сифат жиҳатидан янги босқичга кўтариш чора-тадбирлари тўғрисида” 2018 йил 14 августдаги ПҚ-3907-сон қарори;

Ўзбекистон Республикаси Президентининг “Халқ таълимини бошқариш тизимини такомиллаштириш бўйича қўшимча чора-тадбирлар тўғрисида” 2018 йил 5 сентябрдаги ПФ-5538-сон фармони;

Ўзбекистон Республикаси Президентининг “Халқ таълими тизимида бошқарувнинг янги тамойилларини жорий этиш чора-тадбирлари тўғрисида” 2018 йил 5 сентябрдаги ПҚ-3931-сон қарори;

Ўзбекистон Республикаси Вазирлар Маҳкамасининг “Узлуксиз таълим тизимининг чет тиллар бўйича давлат таълим стандартларини тасдиқлаш тўғрисида” 2013 йил 8 майдаги 124-сон қарори;

Ўзбекистон Республикаси Вазирлар Маҳкамасининг “Умумий ўрта ва ўрта махсус, касб-ҳунар таълимининг давлат таълим стандартларини тасдиқлаш тўғрисида” 2017 йил 6 апрелдаги 187-сон қарори;

Ўзбекистон Республикаси Олий ва ўрта махсус таълим вазирлиги ва Халқ таълими вазирлигининг 2017 йил 18 августдаги 65ққ/43-сон қўшма қарори;

Ўзбекистон Республикаси Соғлиқни сақлаш вазирлиги томонидан **20... йил 00 мартда** тасдиқланган Санитария қоидалари ва меъёрлари (СанҚваМ).

2. Умумий ўрта таълим муассасаларининг таянч ўқув режаси йўналиши ва хусусиятларига кўра қуйидаги 7 та блок-модуллардан ташкил топган:

- филология фанлари;
- ижтимоий фанлар;
- аниқ фанлар;

табiiй ва иқтисодий фанлар;
амалий фанлар;
касбий таълим;
танлов фанлари.

3. Ўзбекистон Республикаси Вазирлар Маҳкамасининг “Умумий ўрта таълим мактабларининг бошланғич синфларида таълим-тарбия жараёнини самарали ташкил этиш чоралари тўғрисида” 2018 йил 9 февралдаги 11-сон мажлис баёнига асосан бошланғич (I-IV) синфларда ўқув ҳафтасининг давомийлиги 5 кун этиб белгиланди.

4. Таълим ўзбек тилида олиб бориладиган мактабларда рус тили фани II синфдан бошлаб ҳафтасига 2 соат, V синфдан бошлаб берилган 3 соатнинг 2 соатида рус тили ўқитилади, 1 соати она тили ва адабиёти фанига ажратилган соат ҳажмига қўшиб берилади;

таълим ўзбек тилидан бошқа тилларда олиб бориладиган мактабларда ўзбек тили фани II синфдан бошлаб ҳафтасига 2 соат, V синфдан бошлаб 3 соат ҳажмда ўқитилади.

5. Таълим қардош (қорақалпоқ, қозоқ, қирғиз, тожик ва туркман) тилларда олиб бориладиган мактабларда рус тили фани ўқувчилар ва уларнинг ота-оналари хоҳишига қараб II-XI синфларда она тили ва адабиёт фанидан 1 соат олиниб II синфдан бошлаб ўқитилиши мумкин.

Ушбу фаннинг ўқитилиши Республика таълим марказининг тавсиялари асосида, тегишли ўқув дастурлари ва улар асосида ўқитувчилар томонидан ишлаб чиқилган тақвим-мавзу режаларга мувофиқ ташкил этилади.

6. Жаҳон тарихи фани VII-XI синфларда ҳафтасига 1 соатдан;

Ўзбекистон тарихи фани VII-IX синфларда ҳафтасига 2 соатдан, X-XI синфларда ҳафтасига 1 соатдан ўқитилади.

7. Ўзбекистон Республикаси Президентининг “Ўзбекистон Республикаси Конституциясини ўрганишни ташкил этиш тўғрисида” 2001 йил 4 январдаги Ф-1322-сон фармойиши асосида I-IV синфларда “Конституция алифбоси” курси Ўқиш, Атрофимиздаги олам, Табиатшунослик, Одобнома ўқув предметлари ва “Тарбиявий соат”лар таркибига;

V-VI синфларда “Конституция оламига саёҳат” курси Ватан туйғуси, VII синфда Миллий истиклол ғояси ва маънавият асослари ўқув предметлари таркибига сингдириб ўқитилади.

Мазкур дарсларнинг мазмунида “Бола ҳуқуқларининг кафолатлари тўғрисида”ги конун, “Инсон ҳуқуқлари умумжаҳон Декларацияси”, “Болалар меҳнатининг оғир шакллари тақиқлаш ва йўқ қилишга доир шошилиш чоралар тўғрисида”ги 182-конвенция, “Ишга қабул қилиш учун энг кичик ёш тўғрисида”ги 138-конвенция тўғрисида ўқувчиларнинг ёшига мос равишда тушунчалар бериш тавсия этилади.

8. Астрономия фани XI синфда ҳафтасига 1 соатдан ўқитилади.

9. Иқтисодий билим асослари:

I-IV синфларда “Иқтисод ва солиқ алифбоси” курсининг ўқув материаллари Она тили, Ўқиш, Одобнома, Математика, Атрофимиздаги олам ўқув предметлари таркибига сингдирилиб;

V-VII синфларда “Иқтисод ва солиқ сабоқлари” ўқув курси Тарих, Математика, Физика, География, Ватан туйғуси ўқув предметлари таркибига сингдирилиб;

VIII-IX синфларда Иқтисодий билим асослари фани ҳафтасига алоҳида 1 соатдан ўқитилади.

XI синфда Тадбиркорлик асослари ҳафтасига 1 соатдан ўқитилади.

10. X–XI синфларда ҳафтада 1 кун 6 соат ҳажмда ўқитиладиган Касбий таълим машғулоти ўқув-ишлаб чиқариш мажмуаларида ўтказилади.

11. Ўқувчиларнинг қизиқишлари асосида таълим жараёнини индивидуаллаштириш ва табақалаштириш, касбий фаолият йўналишини танлашга мақсадли тайёрлаш учун ҳафтасига I синфда 0,5 соат, VIII синфда 0,5 соат, IX синфда 1 соат ва X синфда 0,5 соат танлов фанлари учун ажратилган. Ушбу соатлар доирасида ўқувчиларнинг қизиқишларини ҳисобга олган ҳолда юқори синфларда филология, аниқ фанлар, табиий фанлар, ижтимоий фанлар, амалий фанлар ўқув предметлари чуқурлаштириб ўқитилади.

12. “Йўл ҳаракати қоидалари”:

I синфда танлов фанлари учун ажратилган 0,5 соат эвазига жами 17 соат ўқитилади ва синф журналида алоҳида саҳифада ўтилган мавзулар қайд этиб борилади;

II-VIII синфларда “Йўл ҳаракати қоидалари” машғулоти тасдиқланган дастур асосида бошланғич синф ўқитувчилари ва синф раҳбарлари томонидан Тарбиявий соатлар ҳисобидан 8 соатдан ўқитилади ва мактаб дарс жадвалига киритилиб, синф журналида Тарбиявий соатлар учун ажратиладиган саҳифада ўтилган мавзулар қайд этиб борилади.

13. “Ҳаёт хавфсизлиги асослари” машғулоти:

I-IV синфларда Атрофимиздаги олам, Одобнома, Жисмоний тарбия фанлари таркибида жами 17 соат ҳажмда;

V-XI синфларда Физика, Кимё, Биология, География, Ватан туйғуси, Миллий истиқлол ғояси ва маънавият асослари ўқув предметлари дастурлари таркибида жами 17 соат ҳажмда ўқитилади.

14. Умумий ўрта таълим мактабларининг I-IV синфларида “Саломатлик дарслари” ўқув курси Ўқиш, Атрофимиздаги олам, Табиатшунослик, Одобнома, Жисмоний тарбия ўқув предметлари таркибига, V-IX синфларда “Соғлом авлод асослари” ўқув курси Биология, Технология, Жисмоний тарбия ўқув предметларига интеграция қилинган ҳолда ўқитилади. Давра суҳбатларига мутахассис тиббий ходимларни таклиф этиш тавсия этилади.

15. “Тежамкорлик сабоқлари” ўқув-тарбиявий машғулотларини, шунингдек атроф муҳитни ҳимоя қилиш йўналишидаги машғулотларни I-XI синфларда 17 соатдан фанлар бўйича дарс мавзулари замирида тўғарак машғулотларида, тарбиявий соатларда, синфдан ташқари машғулотларда, экскурсияларда сингдириб ўтиш тавсия этилади.

16. V-X синфларда География ва Иқтисодий билим асослари ва XI синфда Тадбиркорлик асослари ўқув предметлари таркибида “Давлат бюджети”га доир 1 соатлик мавзуларни сингдириб ўқитиш тавсия этилади.

17. “Экологик тарбия ва атроф мухитни муҳофаза қилишга йўналтирилган билимлар” I-IV синфларда “Конституция алифбоси” курси Ўқиш, Атрофимиздаги олам, Табиатшунослик, Одобнома ҳамда Тарбиявий соатлар таркибида, V-XI синфларда Биология, Кимё, География ўқув предметлари мазмунига сингдириб ўқитилади.

18. Ўзбекистон Республикаси Вазирлар Маҳкамасининг “Умумий ўрта таълим тўғрисидаги низомни тасдиқлаш ҳақида” 2017 йил 15 мартдаги 140-сонли қарорига мувофиқ, малакали ўқитувчилар етарли бўлган қуйидаги ҳолларда синфдаги ўқувчиларни икки гуруҳга бўлиб ўқитишга рухсат этилади:

ўқувчилар сони 25 нафар ва ундан зиёд бўлган умумий ўрта таълим муассасаларининг I-XI синфларида чет тили фани, айрим фанлар чуқур ўрганиладиган давлат ихтисослаштирилган умумий ўрта таълим муассасалари ва умумий ўрта таълим мактабларининг ихтисослаштирилган синфларида ихтисослаштирилган фанлар, V-XI синфларда информатика ва ахборот технологиялари, таълим тили ўзбек тили бўлмаган умумий ўрта таълим муассасаларининг II-XI синфларида ўзбек тили ҳамда таълим тили рус тили бўлмаган умумий ўрта таълим муассасаларининг II-XI синфларида рус тили, VIII-XI синфларда жисмоний тарбия, V-IX синфларда технология ўқув предметлари икки гуруҳга бўлиб ўқитилади.

19. V-XI синфларда жисмоний тарбия фани бўйича қўшимча машғулотлар спорт секциялар тарзида ўтказилади.

20. Таълим қорақалпоқ, рус, қozoқ, тожик, қирғиз, туркман тилларида олиб бориладиган мактабларда мактаб педагогик кенгашининг қарорига биноан айрим фанлар ва курслар ўзбек (давлат) тилида ўқитилиши мумкин.

21. Ўзбекистон Республикаси Президентининг “Хотин-қизларни қўллаб-қувватлаш ва оила институтини мустаҳкамлаш соҳасидаги фаолиятни тубдан такомиллаштириш чора-тадбирлари тўғрисида” 2018 йил 2 февралдаги ПФ-5325-сон Фармони ижросини таъминлаш мақсадида:

“Оила асослари” курси V-VI синфда Ватан туйғуси, VII синфда Миллий истиқлол ғояси ва маънавият асослари ўқув предметлари таркибига сингдирилиб;

“Оила этикаси ва психологияси” курси VIII-X синфларда Миллий истиқлол ғояси ва маънавият асослари ўқув предмети таркибига сингдириб ўқитилади.

22. Ўзбекистон Республикаси Вазирлар Маҳкамасининг “Умумий ўрта таълим тўғрисидаги низомни тасдиқлаш ҳақида” 2017 йил 15 мартдаги 140-сонли қарори ҳамда 2018 йил 9 февралдаги 11-сон мажлис баёнига мувофиқ, ўқув-тарбия жараёнини ташкил этишда қуйидаги муддатларга амал қилинади:

ўқув йилининг давомийлиги - 34 ҳафта (I синфлар учун 33 ҳафта);

ўқув ҳафтасининг давомийлиги - I-IV синфларда 5 кун, V-XI синфларда 6 кун;

дарс машғулотининг давомийлиги - 45 дақиқа;

дарс машғулотлари оралиғидаги танаффуснинг давомийлиги - 5-10 дақиқа (ўқув куни ўртасидаги танаффуснинг давомийлиги - 15-30 дақиқа).

Тегишли қонун ҳужжатларида байрам (ишланмайдиган) куни деб белгиланган кунларда дарс машғулотлари ўтказилмайди.

Байрам (ишланмайдиган) кунларига тўғри келиб қолган дарс машғулотларининг мавзулари ўқув дастурларини ихчамлаштирган ҳолда кейинги дарс машғулотларида ўтилади.

Ўқув йили давомидаги таътиллارнинг муддатлари қуйидагича белгиланади:

кузги таътил - 4 ноябрдан бошлаб 6 календарь куни;

қишки таътил - 28 декабрдан бошлаб 14 календарь куни;

баҳорги таътил - 21 мартдан бошлаб 7 календарь куни;

ёзги таътил - охири босқичли назорат синови ўтказилган кундан (босқичли назорат ўтказилмайдиган синфлар учун ўқув йили тугаган кундан кейинги кундан) бошлаб 2 сентябргача.

Таътилни охири куни байрам (ишланмайдиган) кунига тўғри келиб қолган тақдирда, дарс машғулотлари кейинги иш кунидан бошлаб давом эттирилади.

I синф ўқувчилари учун февраль ойи давомида қўшимча бир ҳафталик таътил берилади.

23. Мазкур таянч ўқув режа ва тушунтириш хати асосида ҳар бир умумий ўрта таълим муассасаси 2019-2020 ўқув йилига мўлжалланган ўқув режа ва тушунтириш хатини ишлаб чиқади ва август ойидаги педагогик кенгашнинг қарори билан тасдиқлайди.

24. Педагог кадрлар салоҳияти ҳамда моддий-техника базаси етарли бўлган умумий ўрта таълим муассасаларида Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармаларининг рухсати билан умумий ўрта таълим муассасаларининг педагогик кенгашларига дарс жадвалини тузишда таянч ўқув режадаги умумий соатлар ҳажмидан ошмаган ҳолда, маълум бир фанларни чуқурлаштириб ўқитиш мақсадида 15% гача ўзгартириш киритиш ҳуқуқи берилади.

Фанларни чуқур ўрганиш бўйича муаллифлик ўқув дастурларидан амалиётда фойдаланишга Ўзбекистон Республикаси Халқ таълими вазирлиги ҳузуридаги Республика таълим маркази томонидан тасдиқланган тақдирда рухсат этилади.

25. Барча турдаги давлат умумий ўрта таълим муассасаларида дарслар ва машғулотлар мазкур ўқув режа асосида давлат томонидан тўлиқ молиялаштирилади.

Ўзбекистон Республикаси
Халқ таълими вазирининг
2019 йил 6 августдаги
256 -сонли буйруғига
3-илова

**Умумий ўрта таълимнинг давлат таълим стандартлари талаблари
асосида такомиллаштирилган ўқув дастурларини тасдиқлаш ва
амалиётга жорий этиш бўйича мувофиқлаштирувчи
республика ишчи гуруҳи таркиби**

Ўқув дастури бўлиши керак

Ўзбекистон Республикаси
Халқ таълими вазирининг
2019 йил 6 августдаги
256 -сонли буйруғига
5-илова

**2019-2020 ўқув йилида фойдаланиладиган ўқув дастурлари
рўйхати**

Т/р	Синфлар	Фойдаланиладиган ўқув дастурларнинг асословчи ҳужжатлари
1	1*-, 2*-, 4-, 6-, 7-синфлар	Ўзбекистон Республикаси Вазирлар Маҳкамасининг 2017-йил 6 апрелдаги “Умумий ўрта ва ўрта махсус, касб-ҳунар таълимининг давлат таълим стандартларини тасдиқлаш тўғрисида”ги 187-сон қарорида белгиланган малака талаблари асосида тузилган, Халқ таълими вазирининг 2017 йил 3 июндаги 190-сонли буйруғи билан тасдиқланган ўқув дастурларидан фойдаланилади.
2	10-синф	Халқ таълими вазири ҳамда Олий ва ўрта махсус таълим вазирлигининг 2017 йил 18 август 43/65-ҚҚ-сонли кўшма қарори билан тасдиқланган ўқув дастурларидан фойдаланилади.
3	1**-, 2**-, 11-синфлар	Халқ таълими вазирининг 2018 йил 28 августдаги 216-сонли буйруғи билан тасдиқланган ўқув дастурларидан фойдаланилади.

4	6-, 7-, 8-, 9-синфлар (МИФ туркумига кирувчи фанлар) 8-9-синфлар (Информатика ва ахборот технологиялари, чет тили) 5-синфлар	Ўзбекистон Республикаси Олий ва ўрта махсус таълим вазирлиги, Ўзбекистон Республикаси Халқ таълими вазирлигининг 2010 йил 1 июлдаги 62/2/4/1-сонли қўшма ҳайъат мажлис қарори билан тасдиқланган оптималлаштирилган ўқув дастурларидан фойдаланилади.
5	1-, 3-, 8-, 9- синфлар (7- синф Чет тиллари, айрим фанларга ихтисослаштирилган давлат умумтаълим мактаблари учун 6-синф Физика, 7-8-синф Алгебра)	Ушбу буйруқ билан тасдиқланган ўқув дастурларидан фойдаланилади.

*Изоҳ: * она тили, ўзбек, тили, рус тили, чет тили, атрофимиздаги олам, муסיқа маданияти, тасвирий санъат, технология, жисмоний тарбия фанларига тегишли.*

*** математика, фанига тегишли.*

Вазир



Ш.Шерматов

Тошкент ш.,
2019 йил " 6 " август
456 - сон